



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola LIII. Alexandri Papae III. Ad Clericos Alexandrinae Ecclesiae. De
nouo episcopo ipsis concesso vel aliunde translato.

urn:nbn:de:hbz:466:1-15588

EPISTOLA LIII.

ALEXANDRI PAPÆ III.

AD CLERICOS ALEXANDRINÆ ECCLESIÆ.

De nouo episcopo ipsis concessō vel aliunde translato.

*Alexander episcopus seruus seruorum Dei dilectis filiis clericis
Alexandrinæ ecclesiæ salutem & apostolicam
benedictionem.*

DE nouitate & necessitate processit, quod præsente nuntio Mediolanensis ecclesiæ, nulla præcedente eleccióne, auctoritate nostra vobis & ecclesiæ vestræ electum prouidimus. Et ideo, ne possit ex hoc vobis vel successoribus vestris præiudicium fieri, auctoritate vobis apostolica duximus prouidendum. Eapropter, dilecti in Domino filii, præsenti scripto statuimus, vt ex hoc vobis non præiudicetur in posterum, quo minus, obeunte electo qui nunc est, & suorum quolibet successorum, vos & successores vestri de episcopis vestris elecciónem liberam habeatis, sicut canonici ecclesiarum cathedralium, quæ Mediolanensi ecclesiæ subiacent, habere noscuntur. Nulli ergo omnino hominum liceat hanc paginam nostræ constitutionis infringere, vel ei aliquatenus contraire. Si quis autem hoc attentare præsumperit, indignationem omnipotentis Dei, & beatorum Petri & Pauli apostolorum eius se nouerit incursum. Datum Anagniæ III. Kalendas Februarii.

Ego Otto notarius sacri palatii authenticum huius instrumenti vidi, & vt in illo reperi, ita in hoc scripsi, nihil addens, aut minuens, præter punctum, literam, & syllabam, &c.

Ego Petrus, qui dicor Ferrarius, notarius sacri palatii authenticum instrumenti vidi, & legi, & subscripsi, &c.